

甘肅青史略

甘肅青史略卷之三

三國

蜀漢

昭烈帝

辛丑

章武元年

魏黃初二年

魏初置涼州以安定太守鄒岐為刺史

結義以

較張掖張進執太守杜通自稱將軍酒泉黃華不受太守辛機各起兵以應演武威三種胡復叛

魏金城太守蘇則武威太守毋邱興督將軍郝昭發兵救武威河西平

時譚羌校尉蘇

則駐金城毋邱興以武威三種胡叛告急於則則將救之郡人皆以為賊勢方盛宜須大軍時將軍郝昭魏平先屯金城受詔不得西度則乃見郡中大吏及昭等謀曰今賊雖盛然皆新合或有脅從未必同心因擊之善惡必離離而歸我我增而彼損也既獲益衆之實且有倍氣之勢耳率以進討破之必矣若待大軍曠日彌久善人無歸必合於惡善惡既合勢難卒離雖有詔命違而合權專之可也昭等從之乃發兵救武威降其三種胡與毋邱興擊張進於張掖鞠演聞之將步騎三千迎則云來助軍實欲為變則誘而斬之出以徇軍其黨皆散走則遂與諸軍圍張掖破之斬進黃華懼乞降河西平初敦煌太守馬艾卒官郡人推功曹張恭行長史事恭遣其子就詣朝廷請太守會黃華張進叛欲與

敦煌人並執就規以白刃就終不同私與恭疏曰大人率屬敦煌忠義顯然豈以就在困危之中而誓之哉今大軍垂至但當促兵以輸之耳願不以下流之愛使就有恨於黃壤也恭即引兵攻酒泉別遣鐵騎二百及官屬緣酒泉北塞東迎太守尹奉黃華欲救張進而西顧恭兵恐擊其後故不得往而降就卒平安奉太守之郡詔賜恭爵關內侯

案金城在今蘭州西永登縣境漢宣帝神爵二年夏五月趙充國平湟中羌振旅而還秋羌斬楊玉以降置金城屬國以處之西南爲平番沿門古城又西爲射斗城非今之甘肅省城也後置金城郡三國魏因之東郡仍爲金城郡治餘見第一卷神爵秋七月注

慕壽祺曰遇敵不戰則法有逗遛之罪不奉命而戰則法又有擅專之罪然兵有利鈍事有急緩地有遠近實在隨機應變不可以常法拘也建武十二年光武詔邊吏料敵戰守不拘以逗遛法知用兵之要矣蘇則不待大軍發兵救武威將軍郝昭從之豈非達於權變者哉若夫荏苒滿境民望兵如望歲而手握兵符者必請命而後行何拘滯一至此乎

以馬超遷驃騎將軍領涼州牧進封繁鄉侯

昭烈帝策命曰朕以不德獲繼至尊奉承宗廟曹操父子世載其罪朕用慘怛

疾如疾首海內怨憤歸正反本暨於氏羌率服獯粥慕義以君信著北土威武並昭是以委任授君抗颶虺虎兼董萬里求民之瘼其明宣朝化懷保遠邇肅慎賞罰以篤漢祚以

對於天下

魏西平麴光殺郡守叛張既斬之

西平麴光殺其郡守諸將欲擊之既不許曰惟光等造反郡人未必悉同若便以軍臨之吏民羌戎更相

持箸此爲虎傳翼也乃檄諭諸羌爲光等所誑誤者原之能斬賊帥送首者當加封賞於是光部斬送光首其餘安堵如故

案西平卽古湟中今青海省治西漢設臨羌等縣屬金城郡後漢建安中置西平亭三國時魏置西平郡晉因之未改北魏廢郡改爲鄯州隋大業初復曰西平郡乃漢破羌縣地

今之樂都縣也唐武德二年改鄯州天寶初復曰西平郡五代曰青唐城爲吐蕃所據宋崇德三年收復改爲西甯州餘見唐德宗興元元年秋八月李晟進爵西平郡王注

壬二年

魏文帝曹丕黃初三年

春二月魏復置戊己校尉

鄯善龜茲于闐各遣使奉獻是後西域復通置戊己校尉

癸三年

帝禪建興元年魏黃初四年吳黃武二年

魏涼州盧水胡伊健妓妾治元多等反以張既爲刺

史討平之

時河西大擾魏主曰非既莫能安涼州乃召還鄯岐以既代之詔曰昔賈復請擊鄯岐賊光武笑曰執金吾擊鄯吾復何憂卿謀略過人今卿其以便宜從

事勿復先請遣護軍夏侯儒將軍費曜等繼其後既至金城欲渡河諸將守以爲兵少道險未可深入既曰道雖險非井陘之隘夷狄烏合無左車之計今武威危急赴之宜速遂

渡河賊七千餘騎逆拒軍於鷓陰口既揚聲軍從鷓陰乃潛由旦次出至武威胡以爲神引還顯美既已據武威曜乃至儒等猶未達既勞賜將士欲進軍擊胡諸將曰士卒疲倦

虜衆氣銳難與爭鋒既曰今軍無見糧當因敵爲餐若虜見兵合退依深山追之則道險窮餓兵還則出候寇鈔如此兵不得解所謂一日縱敵患在數世也遂前軍顯美胡騎數

千因大風欲放火燒營將士皆恐既夜藏精兵三千人爲伏使參軍成公英督千餘騎挑戰勅使陽退胡果爭奔之因發伏截其後首尾進擊大破之斬首獲生以萬數

案且次故城在今涼州古浪縣北漢置揭次縣屬武威郡後漢因之三國魏黃初二年張既討盧水胡潛由且次出武威且次卽揭次也晉志謂之揭次太甯三年有黃龍見於揭次之嘉泉地形志昌松郡領揭次縣隋志後周廢揭次入昌松昌松今古浪縣鶻陰城俗名正陰城涼州所屬見寰宇記及武威縣志

又案史昭烈帝姓劉氏名備漢中山靖王之後在位三年改元章武以章武三年夏四月崩於白帝城之永安宮丞相諸葛亮受遺詔輔政太子禪卽位是爲蜀漢後主案魏姓曹氏起於曹操子丕受漢禪是爲文帝漢獻帝建安二十五年卽帝位在位七年改元二曰延康曰黃初建興四年夏五月丕卒太子叡立是爲魏明帝

魏涼州刺史張既請治左城築障塞置烽燧邸閣以備胡

西羌恐率衆二萬餘落降

案史蜀漢建興十一年冬諸葛亮使諸軍運米集於斜谷口邸閣魏延傳注夏侯懋鎮長安諸葛亮於南鄭計議延曰橫門邸閣與散民之穀足周食也是邸閣者乃軍屯蹊要儲胥資糧之所也如漢書董卓傳注獻帝紀曰帝出維綸二萬匹與所賣馬百餘匹宣賜公卿以下及貧民不能自存者李傕曰我邸閣儲待少乃悉載置其營又王基擊吳別襲步協於夷陵協閉門自守基示以攻形而實分兵取雄父邸閣收米三十餘萬斛又毋丘儉文欽作亂王基與司馬景王會於許昌基謂宜速進據南頓南頓有大邸閣計足軍人四十日糧又孫策傳注江表傳曰策渡江攻劉繇牛渚營盡得其邸閣糧穀戰具又孫權傳赤烏四年夏遣衛將軍全琮略淮南渡芍陂燒官城邸閣收其人民又赤烏八年遣校尉陳勳將屯田兵及作士三萬人鑿句容中道自小其至雲陽通會市作邸閣又周魴傳誦曹休箋曰東主遣從弟孫奭治安陸城修立邸閣輦貨運糧以爲軍儲凡此皆見於漢

末也鄧芝爲邸閣督其官當如關尉之類又按晉書武帝紀咸甯三年六月水沒邸閣別倉水經注贛水歷釣圻邸閣下度支校尉治太尉陶侃移置此是倉廩名邸閣案左南城晉惠帝永甯中置屬晉興郡當係前涼張氏所置在故河州北六十里之白塔寺川水經所謂河水逕左南城南是也前涼張琚從左南緣河截趙麻秋軍禿髮儁檀詣乞弗熾槃降至左南熾槃因賜儁檀爵左南公皆此地西甯府志云在礪伯縣南又引十三州志石城西一百四十里有左南城河水逕其南曰左南津蓋水經河水所經有石城二一在澆河城之下屬西平郡其地在左南城之西不得云石城西有左南城一在金城郡西北西甯志誤認十三州志金城郡之石城爲西平郡之石城而不知水經注亦曾援引十三州志其地爲今皋蘭縣西北之青石關關驛所謂石城在金城西北是也並不屬於西平今青石關有古城山在河南不在河北清一統志沿襲西甯府志其誤相同考水經河水東與離水合在今永靖縣東接云河水又逕左南城南是在離水入河以後永靖縣東北只有白塔寺川廣平可置城過此入狹洮水注之河水過金允吾縣北而後東逕石城南原文極明又張天錫擊李儼於隴西分遣前軍向金城左南白土諸郡由現在皋蘭青石關西去卽白塔寺川方輿紀要引舊志云左南城在白土城東六十里考白土城在故礪伯縣南河濱與河州積石關對河相望其東六十里亦至白塔寺川則白塔寺之爲左南城確而可據礪伯縣有古鄯邑距白塔寺尙隔大山且不瀋河地非親歷毫厘千里地志之難考固如是也

後主 建興五年

戊申 魏明帝太和元年 吳大帝黃武六年

春正月魏西平麴英反殺臨羌令西都長遭

將軍郝昭鹿磐討斬之

是年三月蜀丞相諸葛亮舉軍出屯漢中以圖中原使長史張裔參軍蔣琬統留府事

戊申六年

魏太和二年吳黃武七年

春丞相諸葛亮伐魏攻祁山降天水南安安定三郡

先是五年三月

四川自古以戰為守
之國自古以戰為守
四川自古以戰為守
之國自古以戰為守
四川自古以戰為守
之國自古以戰為守

亮出屯漢中以圖中原臨發上出師表遂行屯於河北陽平石馬魏主叡聞亮在漢中命大將據諸要險以鎮靜疆場至是亮率大兵攻祁山魏以昭烈既崩數歲寂然無聞略無備豫卒聞亮出朝野震懼於是安定天水南安皆舉軍應亮關中響震會馬謖敗曹真復取安定郡民楊條等共保月支城亦降

案三分鼎峙各有邊防蜀則東屯白帝以備吳南屯夜郎以備蠻北屯漢中以備魏魏則東置合肥南守襄陽西固祁山祁山在蟠冢之西七十里許山上有城極為嚴固九州之名岨天下之奇峻亮自漢中出祁山隴西南安二郡降圍天水拔冀城虜姜維拔

隴四千餘家還漢中築城以處之世稱諸葛城後之論者猶謂用兵非其所長耶

又一統志安定今鎮原縣天水故秦州南安故鞏昌府注俱見前月支城在今鎮原西漢安定郡領縣二十一內有月支道蓋縣名也史記正義月支國本涼甘肅瓜沙等州之地

漢百官志凡主蠻夷日道王莽時改為月順道今鎮原縣六十里有月支故道又有漢武亭故城考史漢通月支取道於此元魏崔延伯與萬俟醜奴戰於此

甘肅地據上游屏蔽西京自明帝後羌為巨害蹂躪幾徧所以不敢入據三輔為心腹患者恐隴東南之襲其後也昔高祖初興使鄴商別定隴名以為入關之本世祖即位用兵

天水安定以作伐蜀之階丞相亮欲恢復中原以雍州為天下要衝國家藩衛初出祁山取如反掌不再戰而天水三郡歸附

劉陽盧彤曰自古用關隴以下川蜀者多矣由川蜀北清關陝逆取之勢也
且魏主夙號知兵未必不審於用關陝也乃武侯師出祁山魏朝野震恐天
水南安安定叛應關中響震以逆圖順以弱轉強此其善用川蜀未有過於
武侯者也使無馬謖之敗則關中不難恢復矣

蜀將馬謖戰於街亭敗績亮率軍回漢中詔貶亮右將軍行丞相事

自天水南
南安定皆

舉軍降漢魏主觀如長安遣右將軍張郃率步騎五萬拒之亮使參軍馬謖督諸軍與郃
戰於街亭謖違亮節度軍措顛倒舍水上山下據城郃絕其汲道擊大破之亮乃拔西
縣千餘衆還漢中

案秦安縣治之東北有街亭鎮即今之隴城鎮也其地東毗清水北連靜甯東北接壤華
亭西南距秦安九十里前代設隴城縣於此自建後秦安之後而隴城歸隸管轄自斷山
鎮東通關山即係陝甘大路行旅往來絡繹不絕舊設巡檢一員帶弓兵二十名盤詰奸
宄擒捕盜賊彈壓地方誠要地也說者謂即古之街亭按以當日情勢漢丞相諸葛亮出
師討賊已取天水南安安定三郡自應向關中進發隴城與清水關山毗連爲由隴入秦
之大路用兵者之所必爭其爲馬謖所守之街亭庶幾近之西縣漢水所出西漢初置縣

關天水郡括地志西縣故城在秦州上邽縣西南九十里昔秦襄公創侯居西垂即此東漢末縣廢或云西縣在今鞏昌府城西

慕壽祺曰萬矣用人如此其難也以亮之一生謹慎而誤用馬謖致失街亭街亭失而天水南安安定三郡與之俱失矣今者國難方殷我所防守之地視街亭尤為重要乃敵未來而棄城逃竄全局因以動搖反馬謖之不如矣安得復有如亮其人者出而正以軍法也哉

夏四月魏以徐邈為涼州刺史

邈務農積穀立學明訓進善黜惡與羌胡從事不問小過若犯大罪先告部曲乃斬以徇由是服其威信州界

肅

案東漢一代河西為用武之地鹽務廢弛久矣邈為涼州牧以土地少雨常苦乏穀因上言請修武威酒泉鹽池武威即今馬蓮泉等池酒泉即今高臺一帶鹽池

魏安定羌璧驢反雍州刺史郭淮平之

魏居休屠胡於高平

涼州休屠胡梁元碧等三千餘家降魏魏左將軍郭淮居之於安定之高平

己七年

魏太和三年吳黃龍元年

春右將軍亮伐魏拔武都陰平復拜丞相

亮遣其將陳式攻武都陰平二郡魏雍州

刺史郭淮救之率眾欲擊式亮自出至建威淮退遂拔二郡以歸後主詔亮復為丞相

案漢書地理志武都郡元鼎六年置治武都縣後漢移郡治下辨以武都縣屬之寰宇記魏黃初中徙武都於美陽以故地爲武都西部都尉理後入蜀其故城在今成縣西華陽國志武都郡治下辨一曰武街水經注濁水東經武街城南故下辨縣建威城名在今成縣西北後漢末所置戍守處蜀後主景耀初姜維請於西安建威立諸圍卽此西安州在洮州境陰平在今文縣漢陰平也其地與江油爲鄰爲秦蜀出入之道三國漢以爲邊陲要隘亮攻取之因爲西蜀之防非隆慶府之陰平縣魏邵艾後與姜維戰所出古陰平道此卽

葛壽祺曰自古用兵之道戰守和互相爲用當是時漢賊不兩立王業不偏安固無和之可言則惟以戰爲守此亮之所以六出祁山也去歲軍散關圍陳倉賊王雙今年遣陳式克武都及陰平戰愈奮守愈堅蜀之安如泰山矣後世不戰不守曰言和議要挾孔多和亦受瘡自然之理也古今人之不相及何如此其懸絕耶

庚戌八年魏太和四年秋九月丞相亮遣魏延西入羌中與魏雍州刺史郭淮戰於

陽谿大破之

辛亥九年魏太和五年夏五月丞相亮敗魏司馬懿於鹵城殺其將張郃先是建興八年魏遣

大將軍曹真寇漢中丞相亮聞之次於成固赤版以待之會天大雨真還長安是年春亮率軍伐魏圍祁山招鮮卑軻比能比能等至故北地石城皆應亮是時魏大司馬曹真有

疾魏主遣司馬懿西屯長安督張郃賈詡戴陵郭淮等懿使曜陵留精兵四千守上邽餘衆悉出西救祁山亮分兵攻祁山自逆懿於上邽魏將郭淮等邀亮亮破之因大芟其麥與懿遇於上邽之東懿斂軍依險兵不得交亮引還懿躡其後卒於上邽城又登山掘營不肯戰賈詡魏平數請戰曰公畏蜀如虎奈天下笑何懿病之乃遣張郃攻南圍自按中道向亮亮使魏延等逆戰魏兵大敗懿還保營亮以糧盡退軍懿遣郃追之至木門與亮戰漢兵乘高發伏斃郃中飛矢卒

案鹵城胡三省注在西縣襄縣之間上邽即故秦州詳見第一卷第四頁始作兵注木門山隘在秦州西南九十里接西和縣界即魏將張郃死處或謂秦州西南牡丹原與草川等砦相連即古木門道清甘肅學政陸廷勳詩春歸何處不淒迷行盡秦州西復西幾日牡丹原上路綠陰如雨鵲鳩啼

又參水經注南岍北岍之中上下有二城相對左右墳隴低昂巨山被阜古語云南岍北岍萬有餘家諸葛亮表云祁山去沮縣五百里有民萬戶矚其丘墟信爲殷矣蜀志趙雲

傳云亮駐漢中出軍揚聲山斜谷道令趙雲與鄧芝往拒曹真身攻祁山雲芝兵敗趙雲別傳云雲敗退有軍資餘絹亮欲分賜將士雲曰軍士無利何爲有賞賜其物請悉入赤

岸府庫須十月爲冬賜與瑾二書即其事也亮與兄瑾言趙雲燒赤岸閣道書前趙子龍退軍燒壞赤岸以北閣道緣谷一百餘里其閣梁一頭入山腹其一頭立柱於水中今水大而急不得安柱此其窮極不可彊也又與兄瑾言大水赤崖橋閣悉壞書頃大水暴出赤崖以南橋閣悉壞時趙子龍與鄧伯苗一戍赤崖屯田一戍赤崖口但得緣崖與伯苗

相聞而已

又案建興九年亮率諸軍圍祁山始以木牛運建興十二年春二月亮由斜谷出又以流
馬運杜佑通典注按亮集督軍廖立杜叡胡忠等推意作木牛流馬其木牛法方腹曲脰
一股四足頭入領中舌著於腹載多而行少特行者數十里羣行者三十里曲者為牛頭
雙者為牛脚橫者為牛領轉者為牛足覆者為牛背方者為牛腹垂者為牛舌曲者為牛
肋刻者為牛齒立者為牛角細者為牛軛耑者為牛轡轡牛御雙轅人行六尺牛行四步
人不勞牛不飲食其流馬法尺寸之數肋長三尺五寸廣三寸厚二寸二分左右同前
軸孔分墨去頭四寸徑中二寸前脚孔分墨去頭四寸五分長一寸五分廣一寸前杠孔
去前脚孔分墨二寸七分孔長二寸廣一寸後軸孔去前杠孔分墨一尺五寸大小同後
杠孔去後脚孔分墨二寸二分後杠孔分墨四寸五分前杠長一尺八寸廣二寸厚一寸
五分後杠與等板方囊二枚板厚八分長二尺七寸高一尺六寸五分廣一尺六寸每板
受米二斛三斗從上杠孔去肋下七寸前後同上杠孔去下杠孔分墨一尺三寸孔長一
寸五分廣七分八孔同前後四脚廣二寸厚一寸五分形制如象駝長四寸徑面四寸三
分孔徑中三脚長二尺一寸廣一寸
五分厚一寸四分駝居言反弓衣也

墓壽祺曰中國各種科學發明時代以戰國時為最盛秦以後則未之聞也亮以木牛流
馬運糧與墨子之削木為而飛後先輝映其技能亦為三代後之第一人矣特中國以此
為奇技淫巧西人則以此為富強之基無論何種機器皆精益求精日
新月異而歲不同矣世有繼亮而起者乎雖為之勢鞭吾亦願學焉

癸丑十一年

魏青龍元年
吳嘉禾二年

秋九月魏安定保塞匈奴叛遣將軍胡遵等追破之

安定
保塞

匈奴大人胡薄居姿等叛司馬懿遣胡遵等追討破降之

甲寅十二年魏青龍二年春蜀將馬岱攻魏武都魏遣將軍牛金擊走之

魏以大將軍司馬懿鎮上邦姜維屢次伐魏交戰地址多在秦州故命懿鎮上邦以防蜀兵之來襲

案上邦縣名在故秦州境水經注渭水東歷上邦縣北顧祖禹曰上邦城在秦州西六十里縣曰上邦以山得名唐武德四年置立邦州於清水蓋因此山為名而上邦取名之邦山則在秦州西北

乙卯十三年魏青龍三年冬十月魏張掖涌石負圖張掖柳谷口水溢涌寶石負圖狀象靈龜立於川西有石馬七及鳳凰麒麟

麟白虎犧牛瓊瑛八卦列宿字彗之象又有文曰大討曹詔書班天下以為嘉瑞任令于綽以問鉅鹿張珣珣曰夫神以知來不追已往祥兆先見而後廢興從之今漢久亡魏已得之何所追興祥兆乎此石當今之變異而將來之符瑞也

案魏氏春秋曰狀象靈龜廣一丈六尺長一丈七尺一寸圍五尺八寸立於川西有石馬七其一仙人騎之其一羈絆其五有形而不善成有玉匣關蓋前上有玉字玉瑛二瓊一麒麟在東鳳凰在西白虎在南犧牛在北馬自中布列四面色皆蒼白其南有五字曰上三天王世語曰又有一雞象搜神記曰張掖之柳谷有開石焉始見於建安形成於黃

初文備於太和周圍七尋中高一切蒼質素章龍馬麟鹿鳳凰仙人之象粲然咸著漢晉春秋曰氏池縣大柳谷有蒼石立水中長一丈六尺高八尺白石畫之爲

十三馬一牛一鳥八卦玉珎之象其文曰大討曹

後晉武帝泰始三年夏四月張掖太守焦勝上元石圖勝上言氏池大柳谷元石以留郡本圖校今石文文字多少不同謹具圖二按其文有五馬象其一有人平上轎執戟而乘之其一有若馬形而不成其字有金中有大司馬有玉有大吉有正有開壽其一成行曰金當取之初魏帝惡其爲討也使鑿去爲計以蒼石室之宿昔而白石滿焉至是其文愈明馬象皆煥徹如玉詔以制幣告於太廟藏之天府

大柳谷在故東樂縣西南一百里臨松山下臨松山比大柳谷多一十里俗名平頂山一名馬蹄山亦祁連山脈巖石間有神駿足跡寺觀林立內有漢僧番僧數十名山麓附近爲唐烏貳東西各番族駐牧處又名青松丹峽北涼沮渠蒙遜臨松盧水人

舊史氏曰有書隕石者矣有書立石者矣未有書涌石者蓋石負圖而文曰大討曹天之棄曹氏也決矣而詔頒天下以爲嘉瑞亦愚矣哉終綱目書隕石十二石立二書涌石一而已

丙十四年魏齊龍四年夏魏武都氏王苻健降蜀蜀志張疑傳載建興十四年武都氏王苻健請降遣將軍張尉往迎

秋九月魏涼州塞外胡叛西域校尉張就討平之涼州塞外胡阿畢師侵犯諸國校尉就討之斬首捕虜萬餘人

戊午延熙元年魏景初二年秋九月蜀陰平太守廖惇攻守善羌魏遣王暨游奔擊

惇為惇所敗惇反攻守善羌侯宕苻營雍州刺史郭淮遣廣魏太守王暨南安太守游奔將兵討惇淮上書暨奔等分兵夾山東西圍賊破在旦夕魏主曰兵勢

惡離促詔淮勅奔諸營非要處者還令據便地詔勅未到奔軍為惇所破營為流矢所中死

己未二年魏景初三年蜀將姜維伐魏至隴上無功而還維軍至隴右揚聲欲攻狄道以司馬懿行征西將軍次長

安雍州刺史陳泰欲先賊據狄道懿曰姜維攻羌收其質任聚穀作邸閣訖而復轉行至此正欲了塞外諸羌為後年之資耳若實向狄道安肯宣露令外人知今揚聲言出此欲

歸也維果燒營而去

案金樓子云孔明戰於鳳山今天水西北三十里有邽山俗稱鳳凰山秦州人謂孔明因姜維於此維與梁緒尹賞梁虔詣亮降亮美維膽智稱為涼州上士辟為曹掾加奉義將軍封當陽亭侯時年二十七使典軍實後遷中

監軍今甘谷有姜家村說者謂即維之苗裔

魏郭淮討羌遮塞於白土城大破之

叛羌遮塞屯河關白土故城據河拒官軍淮見形上流密於下渡兵據白土故城擊大破之明

年蜀將姜維伐魏出隴西淮進軍至疆中維引退淮遂討羌迷當等按撫柔氏三千餘落拔西羌以實關中

案白土城在今西甯縣南近黃河後在左南津之西白土城北又有白土嶺水涇注河水又東逕臨津城北白土城十三州志云左南津西六十里有白土城城在大河北而為緣

河濟渡處餘見後漢獻帝建安十九年注

又攷洮水源出西傾東山亦曰疆臺山墊江水亦出此山南水經注疆水出陰平西北疆山一曰疆川姜維伐魏出隴西郭淮進軍至疆中當在洮水流域又臨洮有疆城見後漢

章帝建初三年注

案魏明帝名叡文帝曹丕子在位十三年改元三曰太初曰青龍曰景初帝崩養子芳嗣位是為齊王

庚申三年魏齊王正始元年夏六月鮮卑寇西方魏敦煌太守王延追斬之鮮卑阿妙兒等寇西

方王延遣兵擊之斬首三千餘級五年又斬鮮卑大帥

癸亥六年魏正始四年冬十月遣前監軍王平督漢中謀率兵入隴先是大司馬蔣琬出屯漢中以諸葛

亮數出秦川道險運難卒無成功乃多作舟船欲乘漢沔東下襲魏上庸會疾作未行朝廷咸以爲事有不捷還路甚難帝遣費偉姜維喻指琬言今魏跨帶九州根蒂滋蔓若東西並力首尾犄角雖未能速如志日當分裂蠶食摧其支黨然吳則二三連不克果輒與禕等議以涼州胡塞之要進退有資且羌胡乃心思漢如渴官以維爲刺史若維征行御制河右臣當帥軍爲繼至是以平督漢中街亭之敗平獨振旅而還後主故重用之

案建興八年攻魏合肥不克十年擊魏廬江不克十一年攻魏新城不克十二年攻魏擊郃之延熙四年攻魏又不克而還琬言吳期二三連不克果謂吳之攻魏屢矣然弗果克敵也

丙寅年九魏正始七年西平羌餓何等叛魏西平諸羌餓何燒戈伐同蛾遮塞等叛魏攻圍城邑涼州名胡治無戴復叛應之魏

遣前將軍郭淮討餓何燒戈羌降服者萬餘落淮進軍西海與羌治無戴戰于龍夷北破走之還擊令居石頭山夷破之是時涼州胡王白虎文與治無戴等率衆來降姜維以兵

迎之遂徙於蜀

案龍夷故城今之西甯青海境寰宇記龍夷城漢西海郡治石國西北三百里故契翁虜所治水經注龍夷城在臨羌新縣西三百一十里王莽納西零之獻以爲西海郡治此誠臨羌新縣即今之西甯縣又涼州姑藏縣西有龍夷城一名晏然城漢戊己校尉所治地與西河郡之龍夷城名同而地不同餘見孺子嬰居攝元年注